

VI. Uftritt.

D' Gliche, Herr Finot.

Herr Finot (kunnt fire).

Jà, ich, junger Mensch!... (züer Fraü Simon) Gieng Se-n-emol geh lüege, eb ich nitt dunte bi, Fraü Portnere...

Fraü Simon (fir sich).

Isch das emol e-n-unverschämter Kamerad!... (se macht em e Füscht un geht üse).

Herr Finot (streckt im Herr Helder d'Hand ane).

Verzeihe Se, wenn ich scho wieder... ah ça... was hàn Se... Sie sin jo ganz verstört?...

Herr Helder (grimmig).

Finde Se?... 's isch nit... 's vergeht wieder...

Herr Finot.

Desto besser... Desto besser... Wisse Sie, ass ich mit eme ziemlich schwere Herz do ane ku bi? (er sitzt grätling uf e Stüehl).

Herr Helder (fir sich).

's nimmt mi Wunder, wie wit ass er si Frechheit eigentlich noch triwe will! (lüt) un worum das?...

Herr Finot (verlege).

He... will ich Ihne ebbes g'steh müess, wo ziemlich schwer üse z'bringe-n-isch...

Herr Helder (rühiger).

Un was soll das sie?

Herr Finot.

Ich müess Ihne sage, Herr Helder, ass ich unrecht gege Sie g'handelt ha... gross unrecht...

Herr Helder.

Sie?

Herr Finot.

Ich hätt's Ihne kenne fir allewil verstecke... awer mi G'wisse losst mr's nitt züe... ich ha kei Rüh meh... ich müess Ene bichte...

Herr Helder (fir sich).

Allons... wenn er's bereüt, so verzeih ich's em, er isch schint's doch nitt so schlecht as ich gläubt ha. (lüt) Sie kenne-n-afange...

Herr Finot (trillt si Bart un kratzt in de Hoor).

's wird schwer si... 's wird schwer si... wenn ich d'Wahl hätt, so wott ich lieber uf dr Belche kräbse...

Herr Helder.

Wenn Sie's eso schwer finde, so sage Sie's nitt... 's isch unnöthig... ich weiss alles!...

Herr Finot (springt uf).

Ah bäh!...

Herr Helder.

's handelt sich, nitt wahr, vo mine zweieninzigtausend Franke?

Herr Finot

Vo «Ihre»... Kritz-Bataillon... 's isch wahr, Sie wisse's... awer wer dr Kückücks hat Ene das Ding kenne sage?...

Herr Helder.

Sie...

Herr Finot.

Ich...

Herr Helder.

Do, lese Se... (er hebt em dr Brief ane).

Herr Finot (verlege, b'schaut ne).

Ich kenn die Schrift, obschon se zwölf Jahr jünger isch as ich... awer ich hätt g'schwore, ass dà Brief nie an si Adresse ku isch...